

閩范实录

尝观史书郡誌其于閩范懿行皆乐为之载焉至于谱牒何独不然乎果以閩仪而登诸卷内不惟不磨没于其人且使百世可以奉为仪型故兹编订是谱谨将絜堂公所辑者载入帙中名曰閩范实录

夏氏

国安公之妻端庄淑慎孝事舅姑子若孙耕读为训寓严于慈卒年八十一眼观五代子志伊妻陈氏慈祥勤俭悉遵遗范孝姑璋和妯娌篝灯纺织八旬不倦后嗣蔚起详县誌

夏氏

国祥之妻事祖姑田与姑陈克尽孝养佐夫教子顺而兼严遇子侄有过辄不食必跪谢乃解乐济贫乏常焚逋券年八十一孙曾绕膝详县誌

蔣氏

月朗之妻年二十六夫没遗孤幼甘贫守志历尽艰辛年四十二详县誌

傅氏

道炽之妻生一子夫故剪发以殉励志苦守姑病目日以舌舐久之復明子旋夭夫弟止一子方悼亡助之继室日夕祈再生男以延夫后逾年果举一子抚之承祧守志四十四年题旌建坊人祀详县誌

易氏

太学生仰珩之妻年二十三夫故节懔青松贞同白璧事亲尽礼教子有方嘉庆二十一年题旌建坊于谢家塘北边园道光辛丑奉主人节孝祠详县誌

何氏

志忠之妻年二十而寡道昭僅月余拊育成人娶如甫生子道昭亡媳语料不数年亡氏年衰暮茹蓼抚孙卒年八十有一

邓氏

志濬之妻年十八归钟一纪夫故遺腹产一子道校拊育已成不幸而夭媳彭氏年甫十六善承姑志形影相依抚夫姪显承为嗣邓年八十八妇五十有五

王氏

志书之妻年二十二生一子夫故矢志贞守尝以文公格言训子道汉子完婚年余举一男子媳相继而逝零丁孤苦拊孤孙成立学师唐赠以松节鹤龄额夫弟志易生二子亦早弃世妻蓝氏年二十四与氏共矢冰心卒年七十学师会赠以晚节增荣额

龚氏

道一之妻岁贡生志伸之媳事翁姑婉顺年二十一夫故子显南显进教训成人卒年七十七

徐氏

道科之妻年二十二生一子甫六月夫故断指自誓育子成宗家贫至不能举火竭力撑持姑赖以养卒年五十有二转转肠回恨未平为延夫嗣强偷生三十年一掬伤心泪洒向江潭徹底清不堪重上望夫山夜永孤帋一月弯指上淋漓心上血江干青竹尽成斑邑庠生族姪显桀拜题

余氏

顯鶴之妻年二十二夫亡一子家虽貧惟以读书为教奉翁姑盡礼年六十节義可风

易氏

邑痒生仰琳之妻年二十八誓死守节敬養翁姑子二长昌聘由俊秀納職次昌治業儒

吳氏

故儒仰学之妻年十六歸鍾夫嗜学患衄血症九載躬亲藥餌形瘁神焦及卒冰心苦守養终養孀姑育稚子昌睿成立楚雨淒风一身肩任年五十有五贞静如初邑中文任贈诗成帙

周氏

仰痒之妻幼識字明大義適鍾未久夫故姑继亡常以孝道未盡自恨守节三十五年如一日

田氏

昌远之妻年二十六夫故矢志靡他侍奉老姑恩勤幼子年六十餘猶健持不倦

田氏

昌植之妻年二十夫故一女以夫姪嗣守节二十三翁早故事故孝敬教子有成

金氏

昌育之妻年二十三夫故婉婉清贞事亲教子克盡其職

邵氏

仰达之妻幽贞静淑慎温恭二十一岁歸於鍾事翁姑孝待妯娌和相夫育子更敬且慈夫何年方二十九卽失所天綦巾素服凜凜然有冰霜之操卒年六十一

						易氏	张氏
						仰祺之妻年二十九夫故端静寡言笑闺门肃穆事姑孝闻抚孤昌钊成立守节二十四年詳縣志	仰炳之妻年二十夫故入继夫弟仰震子昌藻为嗣守节五十年咸丰元年题旌建坊於黄甲橋奉主入节孝祠詳縣志